


禪宗正脉




| | | | |
|-----|---|---|----|
| 漢書門 | | | |
| 三 | 三 | 三 | 三 |
| 一 | 一 | 一 | 一 |
| 〇 | 〇 | 〇 | 〇 |
| 冊 | 架 | 函 | 號類 |


| | | | |
|------|---|---|---|
| 庫文閣内 | | | |
| 三 | 三 | 三 | 漢 |
| 〇 | 〇 | 〇 | 書 |
| 一 | 一 | 一 | 〇 |
| 九 | 〇 | 二 | 冊 |
| 架 | 冊 | 號 | 類 |

| | | |
|------|-----|-------|
| 内閣文庫 | | |
| 番號 | 漢 | 3352 |
| 冊數 | 10 | (3) |
| 函號 | 310 | 145 |

三



綴じ部(喉部分)の文字など開きが不鮮明な箇所あり
糊などで貼り付けられている部分がめくれない箇所あり



應化
聖賢

禪宗正脉目錄

第三卷

文殊菩薩

天親菩薩

維摩大士

善財童子

須菩提

舍利弗

白雲山

棗山

夾山會


青平齋

外

懶承興

氣散

林



宋大

漸源興

淶清

社

夾山會

清平遵

投

白雲約

棗山仁

會元五卷終

^{世五}大光誨

九峯虔

湧泉欣

雲蓋元

南際一

覆船荐

肥田伏

鹿苑暉

石柱

南嶽泰

潭州蓋

龍翔聞

張拙

洛浦安

黃山輪

韶山普

上藍超

太原湖

天蓋幽

三角珪

授子温

牛頭微

盤山二世

九峻慧

觀音俊

濠州明

^六世谷山緣

泐潭茂

同安察

禾山殷

泐潭年

六通紹

雲蓋罕

瑞巖

百巖

大嶺

禾山陰

柘溪實

青峰楚

烏牙賓

永安靜

鄧州度

永安悟

木平道

崇福志

鷲嶺本

^七世大安古

烏牙朗

開山晝

青峰勉

太宗皇帝

孝宗皇帝

三

未詳
法嗣

原青

郁山主 先淨照 東山頂 雲幽暉

樓子 天竺悟 嵩律師 老宿

二菴主 老宿 官人 燒庵婆

陳道婆 婦人

會元卷終

第四卷

^二世天皇悟 ^三世龍潭信 ^四世德山鑒 泐潭寶岫

^五世巖頭太歲 雪峯存 瑞龍恭 高亭簡

^六世瑞巖彦 羅山閑 玄沙備 長慶稜

保福展 鼓山晏 龍華照 翠巖叅

鏡清恁 報恩嶽 安國瑫 睡龍溥

長生然 鵝湖孚 隆壽卿 永福弁

雲盖木 洛京南院 法海周 龍井通

龍興靖 南禪璠 越山鷗 極樂儼

潮山宗 普通明 太原孚 南嶽勁

白兆圓

會元七卷終

^七世瑞峰祿 黃龍機 明招謙 太寧微

天竺澄 羅山因 羅漢琛 天龍真

僊宗符 白龍希 安國球 螺峰奧

三
三

| | | | | | | | | | | | | | | | | | |
|-----|----------------------|-----|-----|-----|---------------------|-----|-----|-----|-----|-----|------|-----|------|-----|-----|-----|------|
| 九峰詮 | 興陽欽 | 靈峰恩 | 龍濟修 | 呂洞賓 | 興教普 | 安國祥 | 白鹿貴 | 佛隲然 | 報恩護 | 天竺儀 | 岳麓和尚 | 延壽輪 | 永安烈 | 石佛靜 | 傾心瑠 | 招慶庄 | 睡龍和尚 |
| 河東原 | 歸宗詮 | 報劬應 | 延慶殷 | 普照瑜 | <small>世</small> 棗樹 | 保福豁 | 長慶用 | 南禪緣 | 瑞巖進 | 白雲作 | 後招慶 | 報慈欽 | 新羅龜山 | 觀音換 | 水陸儼 | 報恩資 | 雲峰緒 |
| 隆壽騫 | <small>世</small> 天平漪 | 報恩顯 | 南臺安 | 清谿進 | 黃龍頤 | 大龍洪 | 瑞峰端 | 資福遠 | 報國照 | 龍山義 | 建山澄 | 鳳凰琛 | 報慈環 | 東禪隆 | 廣嚴澤 | 報慈雲 | 大章如 |
| 奉先同 | 圓通德 | 太平海 | 廣平旨 | 清涼復 | 玄都澄 | 白馬靄 | 僊宗明 | 烏巨晏 | 龍冊興 | 鼓山嶽 | 招慶澄 | 永隆瀛 | 王延彬 | 僊宗玘 | 報慈朗 | 開先宗 | 國清靜 |

會元卷終

為生義。殊曰。死以何為義。女曰。死以不死死為死義。殊曰。如何是死以不死死為死義。女曰。若能明知地水火風四緣。未嘗自得有所離散。而能隨其所宜。是為死義。菴提遮女又問文殊曰。明知生是不生之理。為甚麼却被生死之所流轉。殊曰。其力未充。

化應

○天親菩薩從弥勒內宮而下。無着菩薩問曰。人間四百年。彼天為一晝夜。弥勒於一時中。成就五百億天子。證無生法忍。未審說甚麼法。天親曰。祇說這箇法。祇是梵音清雅。令人樂聞。

化應

○維摩會上。三十二菩薩各說不二法門。文

殊曰。我於一切法。無言無說。無示無識。離諸問答。是為菩薩入不二法門。於是文殊又問維摩。仁者當說何等是菩薩入不二法門。維摩默然。文殊讚曰。乃至無有語言文字。是菩薩真入不二法門。

化應

○善財。參五十三員善知識。末後到弥勒閣前。見樓閣門閉。瞻仰讚歎。見弥勒從別處來。善財作禮曰。願樓閣門開。令我得入。尋時弥勒至善財前。彈指一聲。樓閣門開。善財入已。閣門即閉。

見百千萬億樓閣。一一樓閣內。有一弥勒。領諸眷屬。并一善財而立其前。善財因無着菩薩問曰。我欲見文殊。何者。即是財曰。汝發一念心清淨。即是無着。曰。我發一念心清淨。為甚麼不見財曰。是真見文殊。

化應

○須菩提尊者在巖中宴坐。諸天雨花讚歎。者曰。空中雨花讚歎。復是何人。云何讚歎。天曰。我是梵天。敬重尊者善說般若。者曰。我於般若未嘗說一字。汝云何讚歎。天曰。如是尊者無說。我乃無聞。無說無聞。是真說般若。○尊者一日說法。次帝釋雨花者。乃問此花從天得邪。從地得邪。從人得邪。釋曰。弗也。者曰。從何得邪。釋乃舉手。者曰。如是如是。

化應

○舍利弗尊者。入城遙見月上女出城。舍利弗心口思惟。此姊見佛。不知得忍不得忍否。我當問之。纔近便問。大姊往甚麼處去。女曰。如舍利弗與麼去。弗曰。我方入城。汝方出城。何言如我。恁麼去。女曰。諸佛弟子。當依何住。弗曰。諸佛弟子。依大涅槃而住。女曰。諸佛弟子。既依大涅槃而住。而我亦如與舍利弗與麼去。

應化

○賓頭盧尊者須赴阿育王宮大會。王行香次。作禮問曰。承聞尊者親見佛來。是否。者以手策起。眉毛曰。會麼。王曰。不會。者曰。阿耨達池龍王請佛齋。吾是時亦預其數。

如來涅槃

○秦跋陀禪師問生法師講何經論。生曰。大般若經。師曰。作麼。生說色空義。曰。衆微聚曰色。衆微無自性曰空。師曰。衆微未聚。喚作甚麼。生罔措。師又問別講何經論。曰。大涅槃經。師曰。如何說涅槃之義。曰。涅槃而不生。槃而不滅。不生不滅。故曰涅槃。師曰。這箇是如來涅槃。那箇是法師涅槃。曰。涅槃之義。豈有二邪。某甲祇如此。未審禪師如何說涅槃。師拈起如意曰。還見麼。曰。見。師曰。見箇甚麼。曰。見禪師手中如意。師將如意擲于地。曰。見麼。曰。見。師曰。見箇甚麼。曰。見禪師手中如意墜地。師斥曰。觀公見解。未出常流。何得名喧宇宙。拂衣而去。其徒懷疑不已。乃追師扣問。我師說色空涅槃。不契。未審禪師如何說色空義。師曰。不道汝師說得不是。汝師祇說得果上色空。不會說得因中色空。其徒曰。如何是因中色空。師曰。一微空。故衆微空。衆微空。故一微

祖師涅槃

應化

空。一微空中無衆微。衆微空中無一微。
寶誌禪師垂語曰。終日拈香擇火。不知身是
道場。又曰。大道祇在目前。要且目前難覩。欲識
大道真體。不離聲色言語。又曰。京都鄴都浩浩。
還是菩提大道。法眼曰。京都鄴都浩浩。不是菩
提大道。

應化

雙林善慧大士。日常營作。夜則行道。見釋迦金
粟定光三如來。放光襲其體。大士乃曰。我得首
楞嚴定。天嘉二年。感七佛相隨。釋迦引前。維摩
接後。唯釋尊數。願共語。為我補處也。
帝請講金剛經。士絕。陞座。以尺揮案。一下。便下。

梁武帝請講經

心土銘

座。帝愕然。聖師曰。陛下還會麼。帝曰。不會。聖師
曰。大士講經竟。心王銘曰。觀心空王。玄妙難
測。無形無相。有大神力。能滅千災。成就萬德。體
性雖空。能施法則。觀之無形。呼之有聲。為大法
將。心戒傳經。水中鹽味。色裏膠青。決定是有。不
見其形。心王亦爾。身內居停。面門出入。應物隨
情。自在無礙。所作皆成了。本識心。識心見佛。是
心是佛。是佛是心。念念佛心。佛心念佛。欲得早
成。戒心自律。淨律淨心。心即是佛。除此心王。更

心能
使身
作邪
作正

大士
頌

應化
○

無別佛。欲求成佛。莫染一物。心性雖空。貪嗔體
實。入此法門。端坐成佛。到彼所已。得波羅蜜。慕
道真士。自觀自心。知佛在內。不向外尋。即心即
佛。即佛即心。心明識佛。曉了識心。離心非佛。離
佛非心。非佛莫測。無所堪任。執空滯寂。於此漂
沉。諸佛菩薩。非此安心。明心大士。悟此玄音。身
心性妙。用無更改。是故智者。放心自在。莫言心
王。空無體性。能使色身。作邪作正。非有非無。隱
顯不定。心性離空。能凡能聖。是故相勸。好自防
慎。剎那造作。還復漂沉。清淨心智。如世黃金。般
若法藏。並在身心。無為法寶。非淺非深。諸佛菩
薩。了此本心。有緣遇者。非去來今。○頌大士頌云。
夜夜抱佛眠。朝朝還共起。起坐鎮相隨。語默同
居止。纖毫不相離。如身影相似。欲識佛去處。祇
這語聲是。○頌空手把鋤頭。步行騎水牛。人從橋
上過。橋流水不流。○頌有物先天地。無形本寂寥。
能為萬象主。不逐四時凋。

南嶽慧思禪師。○頌因誌公令人傳語曰。何不下
山教化衆生。目視雲漢。作甚麼。師曰。三世諸佛
被我一口吞盡。何處更有衆生可化。○示衆曰。

道源不遠。性海非遙。但向已求。莫從他覓。覓即不得。得亦不真。○偈曰。頓悟心源。開寶藏。隱顯靈通。現真相。獨行獨坐。常巍巍。百億化身。無數量。縱令畱塞。滿虛空。看時不見。微塵相。可笑物兮。無比况。口吐明珠。光晃晃。尋常見說。不思議。一語標名言。下當○天不能蓋地。不載無去無來。無障礙。無長無短。無青黃。不在中間。無內外。超群出衆。太虛玄。指物傳心。人不曾。

化應

○天台智者顛禪師。在南嶽誦法華經。至藥王

品曰。是真精進。是真法供養。如是悟法。華三昧。獲旋陀羅尼。見靈山一會。儼然未散。

化應

○豐干禪師。因寒山問古鏡未磨時。如何照燭。師

曰。冰壺無影像。猿猴探水月。曰。此是不照燭也。更請道看。師曰。萬德不將來。教我道甚麼。寒山拾得。俱作禮而退。

化應

○寒山子。因趙州遊天台。路次相逢。山見牛跡。問

州曰。上座還識牛麼。州曰。不識。山指牛跡曰。此是五百羅漢遊山。州曰。既是羅漢。為甚麼却作牛去。山曰。蒼天蒼天。州呵呵大笑。山曰。作甚麼。州曰。蒼天蒼天。山曰。這厮兒。宛有大人之作。

化應

拾得子。國清寺半月念戒。衆集。拾得拍手曰。聚頭作想。那事如何。維那叱之。得曰。大德且住。無嗔即是戒。心淨即出家。我性與你合。一切法無差。

化應

明州布袋和尚。一日有僧在師前行。師乃拊其背。僧回首。師曰。乞我一文錢。曰。道得即與汝一文。師放下布袋。叉手而立。白鹿和尚問。如何是布袋。師便放下布袋。曰。如何是佛法大意。師負之而去。先保福和尚問。如何是佛法大意。師放下布袋。叉手。福曰。為祇如此。為更有向上事。師負之而去。師在街衢立。有僧問。和尚在這裏作甚麼。師曰。等箇人。曰。來也。來也。師曰。汝不是這箇人。曰。如何是這箇人。師曰。乞我一文錢。法華志言。大士留講肆之久。一日讀雲門錄。忽契悟。未幾宿命遂通。獨語笑。口吻囁嚅。日常不輟。世傳誦法華。因以名之。○承相呂許公問佛法大意。師曰。本來無一物。一味却成真。僧問。師凡邪聖邪。遂舉手曰。我不在此住。

青原

已上應化聖賢在會元二卷末今見正脉二卷首

六祖
法嗣

青原山行思禪師頌聞曹谿法席。乃往參禮。問曰。當何所務。即不落階級。祖曰。汝曾作甚麼來。師曰。聖諦亦不為。祖曰。落何階級。師曰。聖諦尚不為。何階級之有。祖深器之。會下學徒雖衆。師居首焉。亦猶二祖不言。少林謂之得髓矣。○一日。祖謂師曰。從上衣法。雙行。師資遍授。衣以表信。法乃印心。吾今得人。何患不信。吾受衣來。遭此多難。况乎後代爭競。必多。衣即留鎮山門。子當分化一方。無令斷絕。師既得法。歸住青原。頌

子
鉏斧

師令石頭持書與南嶽讓和尚。曰。汝達書了。速回。吾有箇鉏斧子。與汝住山。頭至彼未呈書。便問。不慕諸聖。不重已靈。時如何。嶽曰。子問太高。生。何不向下問。頭曰。寧可永劫受沉淪。不從諸聖。求解脫。嶽便休。頭便回。師問。子返何速。書信達否。頭曰。書亦不通信。亦不達。去日蒙和尚許箇鉏斧子。祇今便請。師垂一足。頭便禮拜。尋辭往南嶽。頌僧問。如何是佛法大意。師曰。廬陵米作麼價。

嗣青
原思

石頭希遷禪師頌謁青原。原問師曰。有人道嶺南有消息。師曰。有人不道。嶺南有消息。曰。若甚

夢身
乘龜

著叅
同契

戒立
規矩

麼大藏小藏從何而來。師曰：盡從這裏去。原然之。師於唐天寶初，荐之衡山南寺。寺之東有石，狀如臺，乃結庵其上。時號石頭和尚。師因看肇論，至會萬物為已者，其唯聖人乎。師乃拊几曰：聖人無已，靡所不已。法身無象，誰云自他。圓鑑靈照於其間，萬象體玄而自現。境智非一，孰云去來。至哉斯語也。遂掩卷不覺寢。夢自身與六祖同乘一龜，游泳深池之內，覺而詳之。靈龜者智也。池者性海也。吾與祖師同乘靈智，遊性海。遂著叅同契曰：竺土大卷心，東西密相付。人根有利鈍，道無南北祖。靈源明皎潔，枝派暗流注。執事元是迷，契理亦非悟。門門一切境，回互不回互。回而更相涉，不尔依位住。色本殊質象，聲元異樂苦。暗合上中言，明明清濁句。四大性自復，如子得其母。火熱風動搖，水濕地堅固。眼色耳音聲，鼻香舌鹹醋。然依一一法，依根葉分布。本末須歸宗，尊卑用其語。當明中有暗，勿以明相覩。明暗各相對，比之前後步。萬物自有功，當言用及處。事存函蓋合，理應箭鋒柱。承言須會宗，勿自立規矩。觸目不會道，運足焉知路。

進步非近遠。迷隔山河固。謹白叅玄人。光陰莫
虛度。○上堂。吾之法門。先佛傳受。不論禪定精
進。唯達佛之知見。即心即佛。心佛衆生。菩提煩
惱。名異體一。汝等當知。自己心靈。體離斷常。性
非垢淨。湛然圓滿。凡聖齊同。應用無方。離心意
識。三界六道。唯自心現。水月鏡像。豈有生滅。汝
能知之。無所不備。時門人道。悟問曹谿意旨。誰
人得。師曰。會佛法人得。曰。師還得否。師曰。不得
曰。為甚麼不得。師曰。我不會佛法。○僧問。如何
是解脫。師曰。誰縛汝。○問。如何是淨土。師曰。誰
垢汝。○問。如何是涅槃。師曰。誰將生死與汝。
問。如何是西來意。師曰。問取露柱。曰。學人不會。
師曰。我更不會。○問。如何是禪。師曰。甌甑。問。如
何是道。師曰。木頭。○大顛問。古人云。道有道無。
俱是謗。請師除。師曰。一物亦無。除箇甚麼。師却
問。併却咽喉唇吻。道將來。顛曰。無這箇。師曰。若
甚麼。汝即得入門。○道悟問。如何是佛法大意。
師曰。不得不知。悟曰。向上更有轉處也無。師曰。
長空不礙白雲飛。

道有道無俱是謗
嗣石頭遷

藥山惟儼禪師。博通經論。嚴持戒律。一日自歎

揚眉
瞬目

曰。大丈夫當離法自淨。誰能屑屑事細行於布
巾邪。**頌**首造石頭之室。便問三乘十二分教。某
甲粗知。嘗聞南方直指人心。見性成佛。實未明
了。伏望和尚慈悲指示。頭曰。恁麼也不得。不恁
麼也不得。恁麼不恁麼。搥不得。子作麼生。師罔
措。頭曰。子因緣不在此。且往馬大師處去。師稟
命恭禮馬祖。仍伸前問。祖曰。我有時教伊揚眉
瞬目。有時不教伊揚眉瞬目。有時揚眉瞬目者
是。有時揚眉瞬目者不是。子作麼生。師於言下
契悟。便禮拜。祖曰。你見甚麼道理。便禮拜。師曰。
某甲在石頭處。如蚊子上鐵牛。祖曰。汝既如是。
善自護持。**頌**師侍奉馬祖三年。一日祖問。子近
日見處作麼生。師曰。皮膚脫落盡。唯有一真實。
祖曰。子之所得。可謂協於心體。布於四肢。既然
如是。將三條篾束取肚皮。隨處住山去。師曰。某
甲又是何人。敢言住山。祖曰。不然。未有常行而
不住。未有常住而不行。欲益無所益。欲為無所
為。宜作舟航。無久住此。**頌**師乃辭祖。返石頭。一
日。在石上坐次。石頭問曰。汝在這裏作麼。曰。一
物不為。頭曰。恁麼即閑坐也。曰。若閑坐即為也。

皮膚
脫落
唯一
真實

枯榮
二樹

不得
絕言
語

頭曰。汝道不為。不為箇甚麼。曰。千聖亦不識。頭以偈讚曰。從來共住不知名。任運相將祇麼行。自古上賢猶不識。造次凡流豈可明。後石頭垂語曰。言語動用沒交涉。師曰。非言語動用。亦沒交涉。頭曰。我這裡針劄不入。師曰。我這裏如石上栽華。頭然之。道吾雲巖侍立次。師指按山上枯榮二樹。問道。吾曰。枯者是榮者是。吾曰。榮者是。師曰。灼然一切處光明燦爛去。又問雲巖。枯者是榮者是。巖曰。枯者是。師曰。灼然一切處放教枯淡去。高沙弥忽至。師曰。枯者是榮者是。弥曰。枯者從他枯。榮者從他榮。師頷道。吾雲巖曰。不是不是。師久不陞堂。院主白曰。大眾久思和尚示誨。師曰。打鐘着。眾總集。師便下座歸方丈。院主隨後問曰。和尚既許為眾說話。為甚一言不措。師曰。經有論師。爭恠得老僧。頷僧問兀兀地思量甚麼。師曰。思量箇不思量底。曰。不思量底如何思量。師曰。非思量。○上堂。祖師祇教保護。若貪嗔痴起來。切須防禁。莫教根觸。是你欲知枯木石頭。却須擔荷。實無枝葉可得。雖然如此。更宜自看。不得絕言語。我今

入神宗正統三

卷九

廿三

看經
遮眼

為你說這箇語。顯無語底。他那箇本來無耳目
等貌。須**領**。遵布衲浴佛。師曰。這箇從汝浴。還浴得
那箇麼。遵曰。把將那箇來。師乃休。○僧問。已事
未明。乞和尚指示。師良久曰。吾今為汝道一句
亦不難。祇宜汝於言下便見去。猶較些子。若更
入思量。却成吾罪過。不如且各各合口。免相累
及。須**領**。師看經次。僧問。和尚尋常不許人看經。為
甚麼却自看。師曰。我祇圖遮眼。曰。某甲學和尚
還得也無。師曰。汝若看牛皮也。須穿**須**。僧問
平田淺草。塵鹿成群。石上得塵中主。師曰。看
箭僧放身。便倒。師曰。侍者拖出這死漢。僧便走
師曰。弄泥團漢。有甚麼限。

嗣石
頭遷

丹霞天然禪師。於慧林寺。遇天大寒。取木佛
燒火向院主訶曰。何得燒我木佛。師以杖子撥
灰曰。吾燒取舍利。主曰。木佛何有舍利。師曰。既
無舍利。更取兩尊燒。主自後眉鬚墮落。須**領**。訪龐
居士。見女子靈照洗菜次。師曰。居士在否。女子
放下菜籃。斂手而立。師又問。居士在否。女子提
籃便行。師遂回。須臾居士歸。女子乃舉前話。士
曰。丹霞在麼。女曰。去也。士曰。赤土塗牛妳。○上

禪不
可解

堂阿你。渾家切須保護。一靈之物。不是你造作
名。邈得。更說甚薦與不薦。吾往日見石頭。亦祇
教切須自保護。此事不是你談話得。阿你。渾家
各有一坐具地。更疑甚麼。禪可是你解底物。豈
有佛可成。佛之一字。永不喜聞。阿你自看。善巧
方便。慈悲喜捨。不從外得。不着方寸。善巧是文
殊。方便是普賢。你更擬趁逐甚麼物。不用經求
落空去。今時學者。紛紛擾擾。皆是參禪問道。吾
此間無道可修。無法可證。一飲一啄。各自有分。
不用疑慮。在在處處。有恁麼底。若識得。釋迦即
老。凡夫是阿你。須是看取。莫一盲引衆盲。相將
入火坑。夜裏暗雙陸。賽彩若為生。無事珍重。○
有僧到參。於山下見師。便問丹霞山向甚麼處
去。師指山曰。青黯黯處。曰。莫祇這箇便是麼。師
曰。真師子兒。一撥便轉。評。問僧甚麼處宿。曰。
山下宿。師曰。甚麼處喫飯。曰。山下喫飯。師曰。將
飯與闍黎喫。底人。還具眼也。無僧無對。
大顛寶通禪師。初參石頭。頭問。那箇是汝心。師
曰。見言語者是。頭便喝出。經旬日。師却問前者
既不是。除此外何者是。心。頭曰。除却揚眉瞬目。

嗣石
頭遷

問心

禪宗正統三

青原

七

問禪

無物即真物

時輩

妙用處

韓文公訪

將心來。師曰無心可將來。頭曰元來有心。何言無心。無心盡同謗。師於言下大悟。○師侍立次。頭問汝是參禪僧。是州縣白蹋僧。師曰是參禪僧。頭曰何者是禪。師曰揚眉瞬目。頭曰除却揚眉瞬目外。將你本來面目呈看。師曰請和尚除却揚眉瞬目外。鑒。頭曰我除竟。師曰將呈了也。頭曰汝既將呈。我心如何。師曰不異和尚。頭曰不關汝事。師曰本無物。頭曰汝亦無物。師曰本無物即真物。頭曰真物不可得。汝心現量。意旨如此也。○大須護持。○上堂。夫學道人。須識自家本心。將心相示。方可見道。多見時輩。祇認揚眉瞬目。一語一默。驀頭印可。以為心要。此實未了。吾今為你諸人。分明說出。各須聽受。但除却一切妄運。想念現量。即汝真心。此心與塵境。及守認靜默時。全無交涉。即心是佛。不待修治。何以故。應機隨照。泠泠自用。窮其用處。了不可得。喚作妙用。乃是本心。大須護持。不可容易。○韓文公一日相訪。問師春秋多少。師提起數珠曰。會麼。公曰不會。師曰晝夜一百八。公不曉。遂回。次日再來。至門前見首座。舉前話問意旨如何。座

文公 問佛 法省 要處
嗣石 頭遷

扣齒三下。及見師。理前問。師亦扣齒三下。公曰。元來佛法無兩般。師曰。是何道理。公曰。適來問。首座亦如是。師乃召首座。是汝如此對否。座曰。是。師便打。越出院。文公又一日白師曰。弟子軍州事繁。佛法省要處。乞師一語。師良久。公罔措。時三平為侍者。乃敲禪牀三下。師曰。作麼。平曰。先以定動。後以智拔。公乃曰。和尚門風高峻。弟子於侍者邊。得箇入處。

長髭曠禪師。頌曹谿禮祖塔。回叅石頭。頭問甚麼處來。曰。嶺南來。頭曰。大度嶺頭。一輔功德成。就也未。師曰。成就久矣。袂欠點眼。在頭曰。莫要

嗣石 頭遷

點眼麼。師曰。便請頭。乃垂一足。師禮拜。頭曰。汝見箇甚麼道理。便禮拜。師曰。據某甲所見。如紅爐上。一點雪。師見僧問訊次。師曰。步步是汝。證明處。汝還知麼。曰。某甲不知。師曰。汝若知。我堪作甚麼。僧禮拜。師曰。我不堪。汝却好。

嗣石 頭遷

京兆尸利禪師。問石頭。如何是學人本分事。頭曰。汝何從吾覓。曰。不從師覓。如何即得。石頭曰。汝還曾失麼。師乃契會厥旨。招提慧朗禪師。初叅馬祖。祖問汝來何求。曰。求

嗣石
頭遷

頭遷

佛知見。祖曰。佛無知見。知見乃魔耳。汝自何來。
 曰。南嶽來。祖曰。汝從南嶽來。未識曹谿心要。汝
 速歸彼。不宜他往。師歸石頭。便問。如何是佛。頭
 曰。汝無佛性。師曰。蠢動含靈。又作麼生。頭曰。蠢
 動含靈。却有佛性。曰。慧朗為甚麼却無頭。曰。為
 汝不肯承當。師於言下信入。住後。凡學者至。皆
 曰。去去。汝無佛性。其接機大約如此。時謂大朗
 鳳翔。佛陀禪師。尋常持一串數珠。念三種名
 號。曰。一釋迦。二元和。三佛陀。自餘是甚麼。枕蹠
 丘。乃過一珠。終而復始。事跡異常。時人莫測。
 大同。濟禪師。一日見龐居士來。便掩却門。曰。多
 知老翁。莫與相見。士曰。獨坐獨語。過在阿誰。師
 便開門。纔出。被士把住。曰。師多知。我多知。師曰。
 多知且置。閉門開門。卷之與舒。相較幾許。士曰。
 祇此一問。氣急殺人。師默然。士曰。弄巧成拙。○
 僧問。此箇法門。如何繼紹。師曰。冬寒夏熱。人自
 委知。曰。恁麼則蒙分付去也。師曰。頑嚚少智。勸
 贖多痴。頌。問。十二時中。如何合道。師曰。汝還識
 十二時麼。曰。如何是十二時。師曰。子丑寅卯。僧
 禮拜。師示頌。曰。十二時中。那事別。子丑寅卯。吾

嗣藥山儼

今說。若會唯心萬法空。釋迦弥勒從茲決。

道吾宗智禪師。預藥山法會。密契心印。一日山

問。子去何處來。師曰。遊山來。山曰。不離此室。速

道將來。師曰。山上烏兒頭似雪。澗底遊魚忙不

徹。頌。師離藥山見南泉。泉問闍黎名甚麼。師曰

宗智。泉曰。智不到處。作麼生宗。師曰。切忌道着。

泉曰。灼然道着。即頭角生。三日後。師與雲巖在

後架把針。泉見。乃問智。頭陀前日道。智不到處。

切忌道着。道着。即頭角生。合作麼生行履。師便

抽身入僧堂。泉便歸方丈。師又來把針。巖曰。師

弟適來為甚。不祇對和尚。師曰。你不妨靈利。巖

不薦。却問南泉。適來智頭陀為甚。不祇對和尚。

某甲不會。乞師垂示。泉曰。他却是異類中行。巖

曰。如何是異類中行。泉曰。不見道。智不到處。切

忌道着。道着。即頭角生。直須向異類中行。巖亦

不會。頌。師知雲巖不薦。乃曰。此人因緣不在此。

却同回藥山。山問汝回何速。巖曰。祇為因緣不

契。山曰。有何因緣。巖舉前話。山曰。子作麼生會

他。這箇時節。便回。巖無對。山乃大笑。巖便問。如

何是異類中行。山曰。吾今日困倦。且待別時來。

異類中行

頭角生

雲巖 不知 有

性地 非空

巖曰某甲特為此事歸來。山曰且去。巖便出。師在方丈外。聞巖不薦。不覺咬得指頭血出。師却下來問巖。師兄去問和尚。那因緣作麼生。巖曰和尚不與某甲說。師便低頭。僧問雲居。切忌道此語。最毒。云如何。是最毒。底語。居云。一棒打殺龍蛇。○雲巖臨遷化。遣書辭師。師覽書了。謂洞山密師伯曰。雲巖不知有我。悔當時不向伊道。雖然如是。要且不違藥山之子。玄覺云。古人恁麼道。還知有也未。又云。雲岩當時不會。且道甚麼處。是伊不會處。○藥山上堂曰。我有一句子。未嘗說向人。師出曰。目適來也。僧問藥山。一句子如何說。山曰。非言說。師曰。早言說了也。○為山問雲巖。菩提以何為座。巖曰。以無為為座。巖却問為山。山曰。以諸法空為座。又問師作麼生。師曰。坐也。聽伊坐。卧也。聽伊卧。有一人不坐不卧。速道。速道。山休去。○有施主施棍。藥山提起示眾曰。法身還具四大也。無有人道得。與他一腰棍。師曰。性地非空空。非性地。此是地大。三大亦然。山曰。與汝一腰棍。○雲巖補鞋次。師問作甚麼。巖曰。將敗壞補敗壞。師曰。何不道。即敗壞。非敗壞。○師到五峰。峰問還識藥山老宿否。師曰。不識。峰曰。為甚

嗣藥
山儼

麼不識。師曰。不識不識。

雲巖曇盛禪師。頌。參百丈海禪師。二十年因緣

不契。後造藥山。山問甚處來。曰。百丈來。山曰。百

丈有何言句示徒。師曰。尋常道。我有一句子。百

味具足。山曰。鹹則鹹味。淡則淡味。不鹹不淡。是

常味。作麼生。是百味具足底句。師無對。山曰。爭

奈目前生死何。師曰。目前無生死。山曰。在百丈

多少時。師曰。二十年。山曰。二十年在百丈。俗氣

也不除。○侍立次。山又問。百丈更說甚麼法。師

曰。有特道。三句外省去。六句內會取。山曰。三千

里外。且喜沒交涉。山又問。更說甚麼法。師曰。有

時上堂。大眾立定。以拄杖一時趁散。復召大眾。

衆回首。丈曰。是甚麼。山曰。何不早恁麼道。今日

因子。得見海兄。師於言下頓悟。便禮拜。評頌道。

吾問大悲千手眼。那箇是正眼。師曰。如人夜間

背手摸枕头。吾曰。我會也。師曰。作麼生會。吾曰。

徧身是手眼。師曰。道也太煞道。祇道得八成。吾

曰。師兄作麼生。師曰。通身是手眼。○尼僧禮拜。

師問汝爺在否。曰。在。師曰。年多少。曰。年八十。師

曰。汝有箇爺。不年八十。還知否。曰。莫是恁麼來。

俗氣
不除

通身
手眼

嗣藥
山儼

者。師曰恁麼來者猶是兒孫。洞山代云。直是不
孫。○僧問一念瞥起。便落魔界時如何。師曰汝
因甚麼却從佛界來。僧無對。師曰會麼。曰不會。
師曰莫道體不得。設使體得也。祇是左之右之。

秀州華亭船子德誠禪師。○領自印心於藥山。與

道吾雲岩為同道交。泊離藥山。乃謂二同志曰。

公等應各據一方。建立藥山宗旨。予率性踈野。

唯好山水。樂情自遣。無所能也。他後知我所止

之處。若遇靈利座主。指一人來。或堪雕琢。將授

生平所得。以報先師之恩。遂分携。至秀州華亭。

船子
和尚

泛一小舟。隨緣度日。以接四方往來之者。時人

莫知其高蹈。因號船子和尚。道吾後到京口。遇

夾山上堂僧問如何是法身。山曰法身無相。曰

如何是法眼。山曰法眼無瑕。道吾不覺失笑。山

便下座。請問道吾。某甲適來祇對這僧話。必有

不是。致令上座失笑。望上座不吝慈悲。吾曰和

尚一等是出世。未有師在。山曰某甲甚處不是。

望為說破。吾曰某甲終不說。請和尚却往華亭

船子處去。山曰此人如何。吾曰此人上無片瓦。

下無卓錫。和尚若去。須易服而往。山乃散眾。東

道吾
指夾
山見
船子

藏身
蹤跡

嗣藥
山儼

裝直造華亭。船子終見。便問大德住甚麼寺。山曰。寺即不住。住即不似。師曰。不似。似箇甚麼。山曰。不是目前法。師曰。甚處學得來。山曰。非耳目之所到。師曰。一句合頭語。萬劫繫驢橛。師又問。垂絲千尺。意在深潭。離鈎三寸。子何不道。山擬開口。被師一橈。打落水中。山終上船。師又曰。道。山擬開口。師又打。山豁然大悟。乃點頭三下。師曰。竿頭絲線從君弄。不犯清波意自殊。山遂問。拋綸擲釣。師意如何。師曰。絲懸淥水。浮定有無之意。山曰。語帶玄而無路。舌頭談而不談。師曰。釣盡江波。金鱗始遇。山乃掩耳。師曰。如是如是。是。師遂囑曰。汝向去。直須藏身處沒蹤跡。沒蹤跡處莫藏身。吾二十年在藥山。祇明斯事。汝今既得。他後莫住城隍聚落。但向深山裏。鑿頭邊。覓取一箇半箇接續。無令斷絕。山乃辭行。頻頻回顧。師遂喚闍黎。山乃回首。師豎起橈子曰。汝將謂別有。乃覆船入水而逝。

百巖明哲禪師。洞山與密師伯到叅。師問。二上座甚處來。山曰。湖南。師曰。觀察使姓甚麼。曰。不得姓。師曰。名甚麼。曰。不得名。師曰。還治事也。

嗣藥
山儼

無曰自有郎幕在。師曰還出入也無。曰不出入。師曰豈不出入。山拂袖便出。師次早入堂。召二上座曰。昨日老僧對闍黎一轉語。不相契。一夜不安。今請闍黎別下一轉語。若愜老僧意。便開粥相伴過夏。山曰請和尚問。師曰豈不出入。山曰太尊貴生。師乃開粥。同共過夏。

澧州高沙弥。初參藥山。山問甚處來。師曰南嶽來。山曰何處去。師曰江陵受戒去。山曰受戒圖甚麼。師曰圖免生死。山曰有一人不受戒。亦無

生死可免。女還知否。師曰恁麼則佛戒何用。山曰這沙弥猶挂唇齒在。師禮拜而退。○道吾來

侍立。山曰適來有箇跛脚沙弥。却有些子氣息。

吾曰未可全信。更須勘過始得。○至晚山上堂

召曰早來沙弥在甚麼處。師出眾立。山問我聞

長安甚鬧。你還知否。師曰我國晏然。法眼云山見誰說

曰汝從看經得。請益得。師曰不從看經得。亦不

從請益得。山曰大有人不看經。不請益。為甚麼

不得。師曰不道他不得。祇是不肯承當。山頌道

吾雲巖曰不信道。○師辭藥山。山問甚麼處去。

師曰某甲在眾有妨。且往路邊卓箇草庵。接待

不看
經不
請益

不安戒

往來茶湯去。山曰生死事大。何不受戒去。師曰知是般事便休。更喚甚麼作戒。山曰汝既如是。不得離吾左右。時復要與子相見。

嗣藥山儼

鼎州李翱刺史。領嚮藥山玄化。屢請不赴。乃躬謁之。山執經卷不顧。侍者曰太守在此。守性褊

李翱參藥山

急。乃曰見面不如聞名。拂袖便出。山曰太守何得貴耳賤目。守回拱謝。問曰如何是道。山以手指上下曰會麼。守曰不會。山曰雲在青天水在

鉢。守忻愜作禮而述偈曰。鍊得身形似鶴形。千株松下兩函經。我來問道無餘說。雲在青天水

在鉢。守又問如何是戒。定慧。山曰貧道這裏無此閑家具。守莫測玄旨。山曰太守欲得保任此事。直須向高高山頂立。深深海底行。閨閣中物捨不得。便為滲漏。

嗣丹霞然

翠微無學禪師。領一日師在法堂內行。投子進

前接禮。問曰西來密旨。和尚如何示人。師駐步

少時。子曰乞師垂示。師曰更要第二杓惡水那。

子便禮謝。師曰莫塚根。子曰時至根苗自生。○

師因供養羅漢。僧問丹霞燒木佛。和尚為甚麼

供養羅漢。師曰燒也不燒着。供養亦一任供養。

嗣丹
霞然。

曰供養羅漢羅漢還來也無。師曰汝每日還喫飯麼。僧無語。師曰少有靈利底。

孝義寺性空禪師。頌僧叅人事畢。師曰與麼下去。還有佛法道理也無。曰某甲結舌有分。師曰老僧又作麼生。曰素非好手。師便仰身合掌。僧亦合掌。師乃拊掌三下。僧拂袖便出。師曰烏不前。鬼不後。幾人於此茫然走。祇有闍黎達本源。結舌何曾着空有。

嗣潭
州川。

僊天禪師。頌僧叅。終展坐具。師曰不用通時暄。還我文彩。未生時道理來。曰某甲有口。瘧却即開。苦死覓箇臘月扇子作麼。師拈棒作打勢。僧把住曰。還我未拈棒時道理。師曰。隨我者隨之。南北不從我者死。住東西曰。隨與不隨且置。請師指出東西南北。師便打。

嗣大
通顛。

三平義忠禪師。初叅石鞏。鞏常張弓架箭接機。師詣法席。鞏曰看箭。師乃撥開胷曰。此是殺人箭。活人箭又作麼生。鞏彈弓絃三下。師乃禮拜。鞏曰三十年張弓架箭。祇射得半箇聖人。遂拗折弓箭。後叅大顛。舉前話。顛曰既是活人箭。為甚麼向弓絃上辨。平無對。顛曰三十年後要舉。

請直指

莫錯用心

講僧

此話也難得。師問大顛。不用指東劃西。便請直指。顛曰。幽州江口石人蹲。師曰。猶是指東劃西。顛曰。若是鳳凰兒。不向那邊討。師作禮。顛曰。若不得後句。前話也難圓。○上堂。今時人出來。盡學馳求造作。將當自己眼目。有甚麼相當。阿汝。欲學麼。不要諸餘。汝等各有本分事。何不體取。作麼心憤憤。口悻悻。有甚麼利益。分明向汝說。若要脩行路。及諸聖建立化門。自有大藏教文在。若是宗門中事。宜汝切不得錯用心。僧問。宗門中還有學路也。無。師曰。有一路。滑如苔。曰。學人還躡得否。師曰。不擬心。汝自看。○講僧問。三乘十二分教。某甲不疑。如何是祖師西來意。師曰。龜毛拂子。兔角拄杖。大德藏向甚麼處。曰。龜毛兔角。豈是有邪。師曰。肉有千斤。智無銖兩。○上堂。諸人若未曾見知識。即不可。若曾見作者來。便合體取些子意度。向岩谷間。木食草水。恁麼去。方有少分相應。若馳求知解義句。即萬里望鄉關去也。珍重。○師有偈曰。即此見聞非見聞。無餘聲色可呈君。箇中若了全無事。體用何妨分不分。

嗣大
顛通

迷源

嗣長
鬚曠

嗣大
顛通

馬頰山本空禪師。領上堂。抵這施為動轉還合得本來祖翁麼。若合得。十二時中無虛棄底道理。若合不得。喫茶說話。徃徃喚作茶話在。僧便問如何免得不成茶話去。師曰。你識得口也未。曰如何是口。師曰。兩片皮也不識。曰如何是本來祖翁。師曰。大眾前不要牽爺恃孃。曰。大眾忻然去也。師曰。你試點。大眾性看。僧作禮。師曰。伊徃徃道。一性一切性在。僧欲進語。師曰。孤負平生行脚眼。領問去却。即今言句請師直指本來。師曰。你迷源來得多少時。曰。即今蒙和尚指示。師曰。若指示你。我即迷源。曰。如何即是。師示頌曰。心是性體。性是心用。心性一如。誰別誰共。妄外迷源。祇者難洞。古今凡聖。如幻如夢。本生禪師。拈拄杖示眾曰。我若拈起。你便向未拈起時作道理。我若不拈起。你便向拈起時作主宰。且道老僧為人在甚處。時有僧出曰。不敢妄生節目。師曰。也知闍黎不分外。曰。低低處平之有餘。高高處觀之不足。師曰。節目上更生節目。僧無語。師曰。掩鼻偷香。空招罪犯。石室善道禪師。一日仰山問佛之與道。相去幾

禪宗正統三

青原

文

狂慧

嬰兒

何師曰道如展手。佛似握拳。曰畢竟如何的當。可信可依。師以手撥空三下曰。無恁麼事。無恁麼事。曰。還假看教否。師曰。三乘十二分教。是分外事。若與他作對。即是心境兩法。能所雙行。便有種種見解。亦是狂慧。未足為道。若不與他作對。一事也無。所以祖師道。本來無一物。汝不見小兒出胎時。可道我解看教。不解看教。當恁麼時。亦不知有佛性義。無佛性義。及至長大便學種種知解。出來便道我能我解。不知總是客塵。道之人。離分別取捨心。故讚歎嬰兒。可况喻取之。若謂嬰兒是道。今時人錯會。

嗣道
吾志

石霜山慶諸禪師。抵為山。為米頭。一日篩米。次為曰。施主物莫拋撒。師曰。不拋撒。為於地上拾得一粒。曰。汝道不拋撒。這箇是甚麼。師無對。為又曰。莫輕這一粒。百千粒盡從這一粒生。師曰。百千粒從這一粒生。未審這一粒從甚麼處生。為呵呵大笑。歸方丈。為至晚上堂曰。大眾。米裏有蟲。諸人好看。後叅道。吾問如何是觸目菩提。吾喚沙弥。弥應諾。吾曰。添淨餅水着。良久。

文庫正統三

清源

沈

萬里無寸草處

却問師。汝適來問甚麼。師擬舉。吾便起去。師於此有省。○吾將順世垂語曰。我心中有一物。久而為患。誰能為我除之。師曰。心物俱非。除之益患。吾曰。賢哉。賢哉。○領後因僧自洞山來。師問。和尚有何言句示徒。曰。解夏上堂云。秋初夏末。兄弟或東去西去。直須向萬里無寸草處去。良久曰。祇如萬里無寸草處。作麼生去。師曰。有人下語否。曰。無。師曰。何不道出門便是草。僧回舉似洞山。山曰。此是一千五百人善知識語。因茲囊維始露。果熟香飄。○上堂。汝等諸人。自有本分事。不用馳求。無你是非處。無你咬嚼處。一代時教。整理時人脚手。凡有其由。皆落今時。直至法身非身。此是教家極則。我輩沙門。全無肯路。若分則差。不分則坐着泥水。但由心意。妄說見聞。○領師在方丈內。僧在窗外問。咫尺之間。為甚麼不覩師顏。師曰。徧界不魯。僧舉問雪峰。徧界不魯。巖意旨如何。峰曰。甚麼處不是石霜。師聞曰。這老漢。着甚麼死急。峰聞曰。老僧罪過。○領裴相國來。師拈起裴笏問。在天子手中為圭。在官人手中為笏。在老僧手中。且道喚作甚麼。裴無

徧界不魯

奪笏

踈山
問頭
尾

交齒

嗣道
吾智
檀越
家弔
慰

對師乃留下笏○示衆初機未覩大事先須識
 取頭其尾自至踈山仁叅問如何是頭師曰直
 須知有曰如何是尾師曰盡却今時曰有頭無
 尾時如何師曰吐得黃金堪作甚麼曰有尾無
 頭時如何師曰猶有依倚在曰直得頭尾相稱
 時如何師曰渠不作箇解會亦未許渠在○僧
 問三千里外遠聞石霜有箇不顧師曰是曰祇
 如萬象歷然是顧不顧師曰我道不驚衆曰不
 驚衆是與萬象合如何是不顧師曰徧界不曾
 截○問如何是祖師西來意師乃交齒示之曾
 不問後問九峰曰先師咬齒意旨如何峰曰我
 寧可截舌不犯國諱又問雲蓋蓋曰我與先師
 有甚麼冤讐○師居石霜山二十年間學衆有
 長坐不卧屹若株杌天下謂之枯木衆也
 漸源仲興禪師在道吾為侍者評頌一日侍吾
 往檀越家弔慰師拊棺曰生邪死邪吾曰生也
 不道死也不道師曰為甚麼不道吾曰不道不
 道歸至中路師曰和尚今日須與某甲道若不
 道打和尚去也吾曰打即任打道即不道師便
 打吾歸院曰汝宜離此去恐知事得知不便師

乃禮辭。隱于村院。經三年後。忽聞童子念觀音經。至應。以比丘身得度者。即現比丘身。忽然大省。遂然香遙禮曰。信知先師遺言。終不虛發。自是我不會。却怨先師。先師既歿。唯石霜是嫡孫。必為證明。乃造石霜。霜見便問。離道吾後。到甚處來。師曰。祇在村院寄足。霜曰。前來打先師因緣。會也未。師起身進前曰。却請和尚道一轉語。霜曰。不見道。生也不道。死也不道。師乃述在村院得底因緣。遂禮拜石霜。設齋懺悔。他日持鋤。復到石霜。於法堂上。從東過西。從西過東。霜曰。作麼。師曰。覓先師靈骨。霜曰。洪波浩渺。白浪滔天。覓甚先師靈骨。師曰。正好着力。霜曰。這裏針劄不入。着甚麼力。源持鋤。肩上海出。

嗣道
吾智

淨清禪師。僧問。如何是無相。師曰。山青水綠。○僧參。師以目視之。僧曰。是箇機關。於某甲分上。用不着。師彈指三下。僧逸禪牀一匝。依位立。師曰。叅堂去。僧始出。師便喝。僧却以目視之。師曰。灼然用不着。僧禮拜。

嗣道
吾志

神山僧密禪師。一日與洞山。鉏茶園。山榔下鏹頭曰。我今日一點氣力也無。師曰。若無氣力。爭

裴大夫
供養佛

解恁麼道。山曰汝將謂有氣力底是。○裴大夫問僧。供養佛。佛還喫否。僧曰如大夫祭家神。大夫舉似雲巖。巖曰這僧未出家。在曰和尚又如何。巖曰有幾般飯食。但一時下來。岩却問師。一時下來。又作麼生。師曰合取鉢盂。岩肯之。○頌師與洞山行次。忽見白兔走過。師曰俊哉。洞曰作麼生。師曰大似白衣拜相。洞曰老老大大。作這箇說話。師曰你作麼生。洞曰積代簪纓。暫時落魄。○師問洞山。智識所通。莫不遊踐。徑截處。乞師一言。洞曰師自意。何得取功。師因斯頓覺。下語非常。○後與洞山過獨木橋。洞先過了。拈起

嗣道
吾志

木橋曰過來。師喚价。闍黎洞乃放下木橋。幽谿和尚。僧問大用。現前不存。軌則時如何。師起遶禪牀。一匝而坐。僧擬進語。師與一蹋。僧歸位而立。師曰汝恁麼。我不恁麼。汝不恁麼。我却恁麼。僧再擬進語。師又與一蹋。曰三十年後。吾道大行。○問如何是祖師禪。師曰泥牛步步出人前。○問處處該不得。時如何。師曰夜半石人無影像。縱橫不辨。往來源。夾山善會禪師。上堂有祖以來。時人錯會相承。

嗣道
吾志

單卷三

青原

世

佛祖
邊學

智人

罷講
徧參

禪門
有長
處

至今以佛祖言句為人師範。若或如此。却成狂人。無智人去。他祇指示汝無法。本是道。道無一法。無佛可成。無道可得。無法可取。無法可捨。所以老僧道。目前無法。意在目前。他不是目前法。若向佛祖邊學。此人未具眼在。何故。皆屬所依。不得自在。本祇為生死茫茫。識性無自由分。千里萬里求善知識。須具正眼。求脫虛謬之見。定取目前生死。為復實有。為復實無。若有人定得。許汝出頭上根之人。言下明道。中下根器。波波浪走。可不向生死中定當取。何處更疑佛疑祖。替汝生死。有智人笑汝。汝若不會。更聽一頌。勞持生死法。唯向佛邊求。目前迷正理。撥火覓浮漚。○西川座主。罷講徧參。到襄州華嚴和尚處。問曰。祖意教意。是同是別。嚴曰。如車二輪。如鳥二翼。主曰。將為禪門。別有長處。元來無。遂歸蜀。後聞師道播諸方。令小師持此語問。師曰。雕砂無鏤玉之談。結草乖道人之意。主聞舉。遙禮曰。元來禪門中。別有長處。○頌。僧問。撥塵見佛時。如何。師曰。直須揮劍。若不揮劍。漁父棲巢。僧後問。石霜。撥塵見佛時。如何。霜曰。渠無國土。甚處逢。

三路學

渠僧回舉似師。師上堂舉了。乃曰。門庭施設。不如老僧入理深談。猶較石霜百步。**頌**問如何是佛。師曰。此問無賓主。曰。尋常與甚麼人對談。師曰。文殊與吾携水去。普賢猶未折花來。**頌**問如何是夾山境。師曰。猿抱子歸青嶂裏。鳥銜花落碧巖前。法眼云。我二十一年。祇作境話會。○師問僧甚麼處來。曰。洞山來。師曰。洞山有何言句示徒。曰。尋常教學人。三路學。師曰。何者三路。曰。玄路。鳥道。展手。師曰。實有此語否。曰。實有。師曰。執持千里鈔。林下道人悲。

徵學

須會佛意

清平山令。遵禪師**頌**初參翠微。便問如何是西來的的意。微曰。待無人即向汝說。師良久曰。無人也。請和尚說。微下禪牀。引師入竹園。師又曰。無人也。請和尚說。微指竹曰。這竿得恁麼長。那竿得恁麼短。師雖領其微言。猶未徹其玄旨。出住大通。上堂舉。初見翠微。機緣謂衆曰。先師入泥入水。為我自是我。不識好惡。○次遷清平。上堂。諸上座。夫出家人。須會佛意。始得。若會佛意。不在僧俗男女貴賤。但隨家豐儉安樂。便得。諸上座。盡是久處叢林。徧參尊宿。且作麼生會佛。

氣高
奚益

意。試出來大家商量。莫空氣高。至後一事無成。一生空度。若未會佛意。直饒頭上出水。足下出火。燒身煉臂。聰慧多辯。聚徒一千二千。說法如雲如雨。講得天花亂墜。祇成箇邪說。爭競是非。去佛法大遠在。諸人幸值色身安健。不值諸難。何妨近前着些工夫。體此佛意好。○頌僧問如何是大乘。師曰井索曰如何是小乘。師曰錢貫。又問如何是有漏。師曰篋籬。曰如何是無漏。師曰木杓。曰覲面相呈時如何。師曰分付與典座。

嗣翠
微學

投子山大同禪師。初習安般觀。次閱華嚴教。發明性海。復謁翠微。頓悟宗旨。○頌趙州問大死

新鮮
語句

底人。却活時如何。師曰不許夜行。投明須到。州曰我早侯白。伊更侯黑。○上堂汝諸人來這裏。擬覓新鮮語句。攢花四六。圖口裏有可道。我老兒氣力稍劣。脣舌遲鈍。亦無閒言語與汝。汝若問我。便隨汝答。也無玄妙。可及於汝。亦不教汝。柴根。終不說向上向下。有佛有法。有凡有聖。亦不存坐繫縛汝。諸人變現千般。總是汝自生見解。擔帶將來。自作自受。我這裏無可與汝。也無表無裡。說似諸人。有疑便問。僧問表裡不收時。

麤言
細語

那吒
太子

嗣翠
微學

嗣翠
微學

如何。師曰。汝擬向這裏塚根。便下座。**評頌**問一

切聲。是佛聲。是否。師曰。是。曰。和尚莫彘沸盃鳴

聲。師便打。又問。麤言及細語。皆歸第一義。是否。

師曰。是。曰。喚和尚作頭驢。得麼。師便打。**頌**問如

何。是十身調御。師下禪牀立。又問。凡聖相去幾

何。師亦下禪牀立。**頌**師指庵前一片石。謂雪峰

曰。三世諸佛。總在裏許。峰曰。須知有不在裏許

者。師曰。不快漆桶。○僧問。那吒。析骨還父。析肉

還母。如何。是那吒。本來身。師放下拂子。又手。**頌**

問和尚住此山。有何境界。師曰。了角女子白頭

絲頌問月未圓時如何。師曰。吞却三箇四箇。曰

圓後如何。師曰。吐却七箇八箇。師微言頗多。今

道場山。如訥禪師。僧問。如何是教意。師曰。汝自

看。僧禮拜。師曰。明月鋪霄漢。山川勢自分。又問。

如何得聞性。不隨緣去。師曰。汝聽。看僧禮拜。師

曰。聾人也。唱胡笳調。好惡高低。自不聞。曰。恁麼

則聞性。宛然也。師曰。石從空裡立。火向水中焚

○問。一念不生時如何。師曰。堪作甚麼。僧無語。

師又曰。透出龍門雲。兩合山川大地。入無蹤

白雲約禪師。僧問。不坐徧空堂。不居無學位。此

三教宗門

青原

卷

三教宗門

青原

卷

嗣孝
義空

人合向甚麼處安置。師曰：青天無電影。韶國師
參。師問甚麼處來。韶曰：江北來。師曰：船來陸來。
曰：船來。師曰：還逢見魚鼈麼。曰：徃徃遇之。師曰：
遇時作麼生。韶曰：咄。縮頭去。師大笑。

○棗山光仁禪師上堂。眾集。師於座前謂眾曰：不
負平生行脚眼目。致箇問來。還有麼。眾無對。師
曰：若無即陞座去也。便登座。僧出禮拜。師曰：負
我且從。大眾何也。便歸方丈。翌日有僧請辨前
語意旨如何。師曰：齋時有飯與汝喫。夜後有林
與汝眠。一向煎迫我作甚麼。僧禮拜。師曰：苦苦。
僧曰：請師直指師乃垂足曰：舒縮一任老僧。

會元五卷終

嗣石
霜諸

大光山居誨禪師。○僧問：祇如達磨是祖否。師
曰：不是祖。曰：既不是祖。又來作甚麼。師曰：祇為
汝不薦。曰：薦後如何。師曰：方知不是祖。○上堂。
一代時教。祇是整理時人手脚。直饒剝盡到底
也。祇成得箇了事人。不可將當衲衣下事。所以
道：四十九年明不盡。標不起。到這裡合作麼生。
更若切切。恐成負累。珍重。

嗣石
霜諸

九峯道虔禪師。○頌嘗為石霜侍者。泊霜歸寂。眾

單明
一色

外紹
臣種
內紹
王種

請首座繼住持。師白衆曰。須明得先師意始可。座曰。先師有甚麼意。師曰。先師道休去歇去。冷湫湫地去。一念萬年去。寒灰枯木去。古廟香爐去。一條白練去。其餘即不問。如何是一條白練。去。座曰。這箇祇是明一色邊事。師曰。元來未會先師意在。座曰。你不肯我那。但裝香來。香烟斷處。若去不得。即不會先師意。遂焚香。香烟未斷。座已脫去。師拊座背曰。坐脫立亡。即不無先師意。未夢見在。○僧問承古有言。向外紹則臣位。向內紹則王種。是否。師曰。是。曰。如何是外紹。師曰。若不知事。極頭祇得了事。喚作外紹。是為臣種。曰。如何是內紹。師曰。知向裏許承當擔荷。是為內紹。曰。如何是王種。師曰。須見無承當底人。無擔荷底人。始得同一色。同一色了。所以借為誕生。是為王種。曰。恁麼則內紹亦須得轉。師曰。灼然有承當擔荷。爭得不轉。汝道內紹便是人王種。你且道。如今還有紹底道理麼。所以古人道。紹是功。紹了非是功。轉功位了。始喚作人王種。曰。未審外紹還轉也無。師曰。外紹全未知有。且教渠知有。曰。如何是知有。師曰。天明不覺曉。

重問
外紹
內紹

○問如何是外紹。師曰：不借別人家裡事。曰：如何是內紹。師曰：推爺向裡頭。曰：二語之中，那語最親。師曰：臣在門裡，王不出門。曰：恁麼則不出門者，不落二邊。師曰：渠也不獨坐世界裡。紹王種，名外紹。王種性，所以道紹是功名臣。是偏中正。紹了轉功名君。是中正偏。○問：誕生還更知聞也無。師曰：更知聞。阿誰曰：恁麼則莫便是否。師曰：若是古人為甚麼道誕生。王有父。曰：既有父，為甚麼不知聞。師曰：同時不識祖。○問：古人云：直得不恁麼來者。箇是兒孫。意旨如何。師曰：古人不謾語。曰：如何是來底兒孫。師曰：猶守玆御在。曰：如何是父。師曰：無家可坐。無世可興。○問：人人盡言請益。未審師將何拯濟。師曰：汝道巨嶽還曾乏寸土也無。曰：恁麼則四海參尋，當為何事。師曰：演若迷頭，心自狂。曰：還有不狂者麼。師曰：有。曰：如何是不狂者。師曰：突曉途中眼不開。○問：如何是學人自己。師曰：更問阿誰。曰：便恁麼承當時如何。師曰：須彌還更戴須彌。○問：祖祖相傳，復傳何事。師曰：釋迦慳。迦葉富。曰：如何是釋迦慳。師曰：無物與人。曰：如何是迦葉

父

兒孫

禪宗正統三

書原

卷四

諸聖
問出

嗣石
霜諸

法身

富師曰國內孟嘗君曰畢竟傳底事作麼生師
 曰百歲老人分夜燈頌問諸聖問出。祇是箇傳
 語底人。豈不是和尚語。師曰是。曰。祇如世尊生
 下。一手指天。一手指地。云天上天下。唯我獨尊。
 為甚麼喚作傳語底人。師曰為他指天指地。所
 以喚作傳語底人。僧禮拜而退頌問古人道。因
 真立妄。從妄顯真。是否。師曰是。曰。如何是真心。
 師曰。不雜食是。曰。如何是妄心。師曰。攀緣起倒
 是。曰。離此二途。如何是本體。師曰。本體不離。曰。
 為甚麼不離。師曰。不教功德天。誰嫌黑暗女頌
 問。盡乾坤都來是箇眼。如何是乾坤眼。師曰。乾
 坤在裏許。曰。乾坤眼何在。師曰。正是乾坤眼。曰。
 還照瞞也無。師曰。不借三光勢。曰。既不假三光
 勢。憑何喚作乾坤眼。師曰。若不如是。髑髏前見
 鬼神無數頌示眾曰。常住法身。不生不滅。僧問
 既是不生不滅。為甚麼六道輪迴。師曰。為有心
 故。曰。以何方便。當證法身。師曰。以虛空心。合虛
 空理。曰。證後如何。師曰。任從三界轉。徒聽四生
 奔復。曰。會麼。曰。不會。師曰。禮拜着增次
 湧泉景欣禪師。自石霜開示而止。湧泉。一日不

卷之三

法身

四

莫開大口

披袈裟喫飯。有僧問莫成俗否。師曰。即今豈是僧邪。**領**。彊德二禪客。於路次見師騎牛。不識師。忽曰。蹄角甚分明。爭奈騎者不鑿。師驟牛而去。彊德憇於樹下煎茶。師回却下牛問曰。二禪客近離甚麼處。彊曰。那邊。師曰。那邊事作麼生。彊提起茶盞。師曰。此猶是這邊事。那邊事作麼生。彊無對。師曰。莫道騎牛不鑿好。○上堂。我四十九年在這裏。尚自有時走作。汝等諸人莫開大口。見解人多。行解人萬中無一箇。見解言語。總要知通。若識不盡。放道輪迴去在。為何如此。蓋為識漏未盡。汝但盡却。今時始得成立。亦喚作立中功。轉功就他去。亦喚作就中功。親他去。我所以道。親人不得度。渠不度親人。恁麼譬喻。尚不會薦取。渾崙底。但管取性亂動。舌頭不見洞。山道相續也。大難。汝須知有此事。若不知有。啼哭有日在。

嗣石霜諸

雲蓋志元禪師。**領**。僧問石霜。萬戶俱閉。即不問。萬戶俱開時如何。霜曰。堂中事作麼生。僧無對。經半年方始下一轉語曰。無人接得渠。霜曰。道即太煞道。祇道得八成。曰。和尚又且如何。霜曰。

無人識得渠。師知乃禮拜。乞為舉。霜不肯。師乃抱霜上方丈曰。和尚若不道。打和尚去在。霜曰。得在。師頻禮拜。霜曰。無人識得渠。師於言下頓省。

嗣石霜諸

南際僧一禪師。僧問。幸獲親近。乞師指示。師曰。我若指示。即屈着汝。曰。教學人作麼生。即是師。曰。切忌是非。○問。同類。即不問。如何是異類。師曰。要頭斫將去。

嗣石霜諸

覆船山洪荐禪師。○頌。僧問。抱璞投師。師還接否。師以手拍香臺。僧禮拜。師曰。禮拜則不無。其中事作麼生。僧却拍香臺。師曰。舌頭不出口。

嗣石霜諸

鹿苑暉禪師。僧問。祖祖相傳。未審傳箇甚麼。師曰。汝問我。我問汝。曰。恁麼則緇素不分也。師曰。甚麼處去來。

嗣石霜諸

鳳翔石柱禪師。○頌。遊方時到洞山。時虔和尚垂語曰。有四種人。一人說過佛祖。一步行不得。一人行過佛祖。一句說不得。一人說得行得。一人說不得行不得。阿那箇是其人。師出眾曰。一人說過佛祖。行不得者。祇是無舌不許行。一人行過佛祖。一句說不得者。祇是無足不許說。一人

說得行得者。祇是函蓋相稱。一人說不得行不
得者。如斷命求活。此是石女兒。披枷帶鎖。山曰。
闍黎分上作麼生。師曰。該通分上。卓卓寧彰。山
曰。祇如海上明公秀。又作麼生。師曰。幻人相逢。
拊掌呵呵。

嗣石
霜諾

誓不
立門
徒

南嶽玄泰禪師。沉靜寡言。未嘗衣帛。時謂之泰
布衲。始見德山。陞于堂矣。後謁石霜。遂入室焉。
掌翰二十年。與貫休齊已為友。後居蘭若。曰金
剛臺。誓不立門徒。四方後進依附。皆用交友之
禮。嘗以衡山多被山民。斬伐燒畬為害。甚
乃作畬山謠曰。畬山兒。畬山兒。無所知。年年斫
斷青山喙。就中最好衡岳色。杉松利斧摧貞枝。
靈禽野鶴無因依。白雲回避青烟飛。猿猱路絕
巖崖出。芝木失根。茆草肥。年年斫罷仍且鉏。千
秋終是難復初。又道今年種不多。來年更斫當
陽坡。國家壽嶽尚如此。不知此理如之何。遠近
傳播。達于九重。有詔禁止。故岳中蘭若。無復延
燎。師之力也。將示滅。乃召一僧。令備薪蒸。留偈
曰。今年六十五。四大將離主。其道自玄玄。箇中
無佛祖。不用剃頭。不用澡浴。一堆猛火。千足萬

足端坐垂一足而逝。闍維收舍利。建塔於迎雲亭側。

嗣石
霜諸

潭州雲蓋禪師。僧問。不可以情測時如何。師曰。無舌童兒。機智盡。○風穴叅。師問。石角穿雲路。携筇意若何。穴曰。紅霞籠玉象。擁嶂照川源。師曰。相隨來也。穴曰。和尚也須低聲。師曰。且坐喫茶。

嗣石
霜諸

龍湖普聞禪師。唐僖宗太子也。幼不茹葷。長無經世意。僖宗鍾愛之。然百計陶寫。終不能回。中和初。僖宗幸蜀。師紵髮。逸遊。人無知者。造石霜。問曰。祖師別傳事。肯以相付乎。霜曰。莫謗祖師。師曰。天下宗旨盛大。豈妄為之邪。霜曰。是實事。那。師曰。師意如何。霜曰。待案山點頭。即向汝道。師於言下頓省。

嗣石
霜諸

張拙秀才。因禪月大師指叅石霜。霜問秀才何姓。曰。姓張。名拙。霜曰。覓巧尚不可得。拙自何來。公忽有省。乃呈偈曰。光明寂照徧河沙。凡聖含靈共我家。一念不生全體現。六根總動被雲遮。斷除煩惱重增病。趣向真如亦是邪。隨順世緣無罣礙。涅槃生死等空花。

嗣石
霜諸

嗣夾
山會

赤梢
鯉魚

肥田慧覺伏禪師。僧問此地名甚麼。師曰肥田。曰宜種甚麼。師便打。師有偈曰。脩多好句枉工夫。返本還源是大愚。祖佛不從脩證得。縱行玄路也崎嶇。

洛浦山元安禪師。壯年出家具戒。通經論。問道臨濟。後為侍者。濟嘗對衆美之曰。臨濟門下一隻箭。誰敢當鋒。師蒙印可。自謂已足。一日侍立。次有座主叅濟。濟問有一人於三乘十二分教。明得。有一人不於三乘十二分教。明得。且道此

二人。是同是別。主曰。明得即同。明不得即別。師曰。這裏是甚麼。所在說同說別。濟顧師曰。汝又

作麼生。師便喝。濟送座主回。問師。汝豈不是適來喝老僧者。師曰。是。濟便打。師後辭濟。濟問甚麼處去。師曰。南方去。濟以拄杖畫一畫曰。過得這箇便去。師乃喝。濟便打。師作禮而去。濟明日陞堂曰。臨濟門下有箇赤梢鯉魚。搖頭擺尾。向南方去。不知向誰家。虀羹裏淹殺。師遊歷罷。直往夾山卓庵。經年不訪。夾山山乃脩書令僧馳往。師接得便坐。却再展手索。僧無對。師便打。曰。歸去舉似和尚。僧回舉似。山曰。這僧若開書。

洛浦見夾山不禮拜

我獨不肯上流之士

無心道人

三日内必来。若不開書。斯人救不得也。師果三日後至。見夾山不禮拜。乃當面叉手而立。山曰。雞棲鳳巢。非其同類。出去。師曰。自遠趨風。請師一接。山曰。目前無闍黎。此間無老僧。師便喝。山曰。住住。且莫草草忽忽。雲月是同。谿山各異。截断天下人舌頭。即不無闍黎。爭教無舌人解語。師佇思。山便打。因茲服膺。○山將示滅。垂語曰。石頭一枝。看看即滅矣。師曰。不然。山曰。何也。師曰。他家自有青山在。山曰。苟如是。即吾宗不墜矣。上堂。末後一句。始到牢關。鎖断要津。不通凡聖。尋常向諸人道。任從天下樂欣欣。我獨不肯。欲知上流之士。不將佛祖言教。貼在額頭上。如龜負圖。自取喪身之兆。鳳縈金網。趨霄漢。以何期。直須旨外明宗。莫向言中取則。是以石人機似汝也。解唱巴歌。汝若似石人。雲曲也。應和指南一路。智者知疏。○頌。僧問。供養百千諸佛。不如供養一箇無心道人。未審百千諸佛有何過。無心道人有何德。師曰。一片白雲橫谷口。幾多歸鳥盡迷巢。○問。如何是本來事。師曰。一粒在荒田。不耘苗自秀。曰。若也不耘。莫被草埋却也。無。

卷之三

青原

七

白澤
之圖

師曰。肌骨異。藹莠。稊稗。終難隱。**頌**問如何。是一
大藏教。收不得者。師曰。雨滋三草。秀片玉。本來

輝。**頌**問一毫吞盡。巨海於中。更復何言。師曰。家

有白澤之圖。必無如是妖性。保福別云。家無白

妖性**頌**問祖意教意。是同是別。師曰。日月並輪。輝

誰家。別有路。曰。恁麼則顯晦殊途。事非一槩。師

曰。但自不亡羊。何須泣岐路。**頌**問學人擬歸鄉

時如何。師曰。家破人亡。子歸何處。曰。恁麼則不

歸去也。師曰。庭前殘雪。日輪消。室內遊塵。遣誰

掃。乃有偈曰。決志歸鄉去。乘船度五湖。舉篙星

誠主
事

來家蕩散。免作屋中愚。○誠主事曰。出家之法。

長物不留。播種之時。切宜減省。締構之務。悉從

廢。停流光迅速。大道玄深。苟或因循。曷由體悟。

雖激勵懇切。衆以為常。略不相儆。**頌**示微疾亦

不倦。叅請一日。告衆曰。吾非明。即後也。今有一

事問汝等。若道這箇是。即頭上安頭。若道不是。

即斬頭求活。第一座對曰。青山不舉足。日下不

挑燈。師曰。是甚麼時節。作這箇語話。時有彥從

上座對曰。離此二途。請和尚不問。師曰。未。在。更

示微
疾

嗣夾
山會

道曰彦從道不盡。師曰。我不管汝盡不盡。曰。彦從無侍者。祇對和尚。師便休。至夜令侍者喚從問曰。闍黎今日祇對。甚有道理。汝合體得先師意。先師道目前無法。意在目前。不是目前法。非耳目之所到。且道。那句是賓。那句是主。若擇得出。分付鉢袋子。曰。彦從不會。師曰。汝合會。曰。彦從實不會。師喝出。乃曰。苦苦。玄覺云。且道從上座實不會。是怕見

鉢袋子粘着伊

嗣夾
山會

黃山月輪禪師。上堂。祖師西來。特唱此事。自是諸人不薦。內外馳求。投赤水以尋珠。就荆山而覓玉。所以道從門入者。不是家珍。認影迷頭。豈非大錯。

嗣夾
山會

韶山寰普禪師。有僧到。參禮拜起立。師曰。大才藏拙戶。僧過一邊立。師曰。喪却棟梁材。頌問如何是韶山境。師曰。古今猿鳥叫。翠色薄烟籠。曰。如何是境中人。師曰。退後看。頌問是非不到處。還有句也無。師曰。有。曰。是甚麼句。師曰。一片白雲。不露醜。頌問如何是和尚家風。師曰。絕頂無根草。無風葉自搖。增收遵布衲訪師問。甚奇。句繁不備。錄上藍令超禪師。僧問。如何是上藍本分事。師曰。

不從千聖借。豈向萬機求。曰。祇如不借不求時如何。師曰。不可拈放汝手裡得麼。○問。鋒前如何辨的。師曰。鋒前不露影。莫向舌頭尋。○問。二龍爭珠。誰是得者。師曰。其珠徧地。目覩如泥。○問。善財見文殊後。為甚却往南方。師曰。學憑入室。知乃通方。曰。為甚麼。弥勒却遣見文殊。師曰。道廣無涯。逢人不盡。

嗣夾
山會

太原海湖禪師。因有人請灌頂三藏供養。敷坐訖。師乃就彼位坐。時有雲。涉座主問曰。和尚甚麼年行道。師曰。座主近前來。涉近前。師曰。祇如。憍陳如是。甚麼年行道。涉茫然。師喝曰。這尿淋鬼。

嗣夾
山會

天蓋山幽禪師。僧問。學人擬看經時如何。師曰。既是大商。何求小利。○有一院。名無垢淨光。造浴室。有人問。既是無垢淨光。為甚麼却造浴室。僧無語。後請師代。師曰。三秋明月夜。不是騁團

圓增收

嗣清
平尊

三角。令珪禪師。初叅清平。平問。來作麼。師曰。來禮拜。平曰。禮拜阿誰。師曰。特來禮拜和尚。平咄曰。這鈍根阿師。師乃禮拜。平以手斫師頸一下。

從此領旨

子嗣投同

授子感温禪師。師遊山。見蟬蛻。侍者問曰。殼在
這裡。蟬向甚麼處去也。師拈殼就耳畔搖三五
下。作蟬聲。侍者於是開悟。○僧問。父不投。為甚
麼。却投子。師曰。豈是別人屋裡事。曰。父與子。還
屬功也。無。師曰。不屬。曰。不屬。功底如何。師曰。父
子各自脫。曰。為甚麼如此。師曰。汝與我會。

子嗣投同

牛頭微禪師。上堂。三世諸佛。用一點伎倆。不得。
天下老師。口似匾擔。諸人作麼生。大不容易。除
非知有。除莫法知。
盤山二世禪師。僧問。如何出得三界。師曰。在裏
頭來多少時邪。曰。如何出得。師曰。青山不擬白
雲飛。

子嗣投同

九峻敬慧禪師。僧問。解脫深坑。如何過得。師曰。
不求過。曰。如何過得。師曰。求過亦非。

子嗣投同

子嗣投同

觀音巖俊禪師。嘗經鳳林深谷。歛觀珍寶。發現。
同侶相頌。意將取之。師曰。古人鉏園。觸黃金。若
瓦礫。待吾管覆頂。須此供。四方僧。言訖捨去。○
謁授子。子問。昨夜宿何處。師曰。不動道場。子曰。
既言不動。曷由至此。師曰。至此豈是動邪。子曰。

嗣授
子同

嗣大
光誨

嗣九
峰虔

峰虔

元來宿不着處。投子默許之。

濠州思明禪師。僧問如何是清淨法身。師曰。屎

裡蛆兒。頭出頭沒。

谷山有緣禪師。僧問如何是祖師西來意。師

曰。夜半烏兒頭戴雪。天明啞子抱頭歸。**增收**問

一撥便轉時如何。師曰。野馬走時鞭轡斷。石人

撫掌笑呵呵。

泐潭延茂禪師。僧問如何是古佛心。師曰。終不

道土木瓦礫是。○問如何是和尚正主。師曰。盡

被連惟響。耳畔不聞聲。

鳳棲同安院常察禪師。僧問如何是鳳棲家

風。師曰。鳳棲無家。風曰。既是鳳棲。為甚麼無家

風。師曰。不迎賓。不待客。曰。恁麼則四海參尋。當

為何事。師曰。盤飣自有旁人施。○問祖意教意。

是同是別。師曰。鐵狗吠石牛。幻人看月色。○問

如何是披毛戴角底人。師曰。蓑衣箬笠賣黃金。

幾箇相逢不解喚。○問學人未曉時機。乞師指

示。師曰。叅差松竹烟籠薄。重疊峰巒月上遲。僧

擬進語。師曰。劔甲未施。賊身已露。僧曰。何也。師

曰。精陽不剪霜前竹。水墨徒誇海上龍。僧統禪

時機

一乘法

牀而出。師曰。閉目食蝸牛。一場酸澁苦。頌。問。如
 何是祖師西來意。師曰。犀牛翫月紋。生角象被
 雷驚。花入牙。○座主問。三乘十二分教。某甲粗
 知。未審和尚說何法示人。師曰。我說一乘法。曰
 如何是一乘法。師曰。幾般雲色出峰頂。一樣泉
 聲落檻前。曰。不問這箇。如何是一乘法。師曰。你
 不妨靈利。○翫月次。謂僧曰。奇哉奇哉。星明月
 朗。足可觀瞻。豈異道乎。僧曰。如何是道。師曰。汝
 試道看。曰。彼自無瘡。勿傷之也。師曰。負笈攻文。
 不問方丈。○問僧近離何處。曰。江西。師曰。江西
 法道何似。此間曰。賴遇問着某甲。若問別人。則
 禍生也。師曰。老僧適來造次。曰。某甲不是嬰兒。
 徒用止啼黃葉。師曰。傷鼈怒龜。殺活由我。
 禾山無殷禪師。謁九峰。峰問。汝遠遠而來。暉暉
 隨眾。見何境界。而可修行。由何徑路。而能出離。
 師曰。重昏廓闕。盲者自盲。峰乃許入室。後住禾
 山。學徒濟濟。諸方降歎。○江南李氏。召而問曰。
 和尚何處來。師曰。禾山來。曰。山在甚麼處。師曰。
 人來朝鳳闕。山嶽不曾移。國主重之。○僧問。仰
 山插鋏意旨如何。師曰。汝問我。曰。玄沙踏倒鋏。

嗣九峰處

插鋏意旨

鼓禾山

峰嗣九

泉欣

蓋元嗣雲

山嗣谷

又作麼生。師曰：我問汝，曰：未辨其宗。如何體悉。

師曰：頭大尾尖。評頌問：習學謂之聞，絕學謂之

隣。過此二者，謂之真過。如何是真過。師曰：禾山

解打鼓。曰：如何是真諦。師曰：禾山解打鼓。又問

即心即佛，則不問。如何是非心非佛。師曰：禾山

解打鼓。曰：如何是向上事。師曰：禾山解打鼓。○

問：萬法齊興時如何。師曰：禾山解打鼓。按此五燈

問諸方，祇說禾山四打鼓。

洪州泐潭牟禪師。僧問：如何是學人着力處。師

曰：正是着力處。

六通院紹禪師。僧問：不出咽喉唇吻事如何。師

曰：待汝一鑷，斲斷巾子山。我亦不向汝道。

雲蓋志罕禪師。僧問：如何是須彌頂上浪滔天。

師曰：文殊正作鬧。曰：如何是三位中事。師曰：不

向機前展大悲。○問：如何是那邊人。師曰：鋒前

不露影。句後覓無蹤。

新羅國瑞巖禪師。僧問：黑白兩亡，開佛眼時如

何。師曰：恐你守內。○問：如何是誕生王子。師曰：

深宮引不出。曰：如何是朝生王子。師曰：宮中不

列位。曰：如何是末生王子。師曰：處處無標的。不

展萬人機

嗣谷
山巖

新羅國百巖禪師。僧問如何是禪。師曰。古塚不為家。曰如何是道。師曰。徒勞車馬迹。曰如何是教。師曰。貝葉收不盡。

嗣谷
山巖

新羅國大嶺禪師。僧問古人道。祇到潼關便即休。會了便休。未會便休。師曰。祇為迷途中活計。曰。離却迷途。還得其中活計也。無。師曰。體即得。當即不得。曰。既是體得。為甚麼當不得。師曰。體是甚麼人分上事。曰。其中事若何。師曰。不作尊貴。○問如何是用中無疑。師曰。一片白雲繚亂飛。○問如何是一切處清淨。師曰。截瓊枝寸寸是寶。析旃檀片片皆香。

嗣中
雲蓋

禾山師陰禪師。僧問王子未來登誰人當治化。師曰。閩外不行邊塞令。將軍自致太平年。曰。甚麼則治化之功。猶不當。師曰。亦有當。曰。如何是當。師曰。十方國土盡屬於王。○問如何是佛。師曰。承當者不是好手。

嗣中
雲蓋

柘溪從實禪師。問僧作甚麼來。曰。親近來。師曰。任你白雲朝嶽頂。爭柰青山不展眉。

嗣洛
浦安

青峰傳楚禪師。僧問太事已明。為甚麼也如喪。

考妣。師曰：不得春風，花不開。及至花開，又吹落。○問：如何是一色？師曰：全無一滴水。浪激似銀山。

嗣洛 浦安

烏牙彦賓禪師。僧問：未作人身已前，作甚麼來？師曰：三脚石牛坡上走。一枝瑞草目前分。

嗣洛 浦安

永安靜禪師。僧問：知有道，不得時如何？師曰：知有個甚麼？曰：不可無去也。師曰：恁麼則合道得？曰：道即不無，爭奈語偏。師曰：水凍魚難躍，山寒花發遲。○問：如何是一色？師曰：易分雪裡粉，難

嗣洛 浦安

辨墨中煤。○問：不可以智知，不可以識識，時如何？師曰：鶴鷺並頭，踏雪睡。月明驚起，兩遲疑。鄧州中度禪師。僧問：如何是實際理地，不受一塵？佛事門中，不捨一法。師曰：真常塵不染，海納百川流。曰：請和尚離聲色外。師曰：木人常對語，有性不能言。

嗣蟠 龍文

永安淨悟禪師。僧問：六門不通，如何達信？師曰：闍黎外邊與誰相識？○問：如何是西來意？師曰：海底泥牛吼，雲中木馬嘶。

嗣蟠 龍文

木平善道禪師。○頌：初謁洛浦，問一漚未發已前。如何辨其水脉？浦曰：移舟諳水脉，舉棹別波瀾。

龍文
嗣蟠

師不契。乃叅蟠龍。語同前問。龍曰。移舟不別水。舉棹即迷源。師從此悟入。○領僧問如何是西來意。師曰。石羊頭子向東看。

州明
嗣濠

崇福志禪師。僧問供養百千諸佛。不如供養一無心道人。未審諸佛有何過。無心道人有何德。師曰。雪深宜近火。身暖覺春遲。

牙賓
嗣烏

驚嶺善本禪師。浴次。僧問和尚是離垢人。為甚麼却浴。師曰。定水湛然滿。浴此無垢人。

牙賓
嗣烏

大安興古禪師。僧問維摩默然意旨如何。師曰。黯黑石牛兒。超然不出戶。烏牙行朗禪師。僧問迦葉上行衣。何人合得披。師曰。天然無相子。不挂出塵衣。

峯楚
嗣青

開山懷晝禪師。僧問作何行業。即得不違於千聖。師曰。妙行無倫匹。情玄體自殊。○問如何是塵中師。師曰。荊棘林中隨處到。旃檀林裏任縱橫。

峯楚
嗣青

青峯山清勉禪師。僧問如何是祖師西來意。師曰。釋池無一滴。四海自滔滔。

宋大

大宋

太宗皇帝。○領一日因僧朝見。帝問甚處來。對曰。

文庫

青原

卷

廬山卧雲菴。帝曰。朕聞卧雲深處不朝天。為甚到此。僧無對。雪竇代云。因僧入對。次奏曰。陛下還記得麼。帝曰。甚處相見來。奏曰。靈山一別。直至如今。帝曰。卿以何為驗。僧無對。雪竇代云。而領帝嘗夢神人報曰。請陛下發菩提心。因早朝宣問左右街菩提心作麼生發。街無對。雪竇代云。是大大庾嶺頭提不起。為甚麼却在朕手裏。隨無對。

大孝宗皇帝領宣問靈隱佛照禪師曰。釋迦佛入山修道六年而成。所成者何事。請師明說。對曰。將謂陛下忘却。

未詳法嗣

茶陵郁山主領不曾行脚。因廬山有化主至論及宗門中事。教令看僧問法燈。百尺竿頭如何進步。燈云。噫。凡三年。一日乘驢度橋。一踏橋板而墮。忽然大悟。遂有頌曰。我有神珠一顆。久被塵勞關鎖。今朝塵盡光生。照破山河萬朵。因茲更不遊方。

先淨照禪師。問楞嚴大師。經中道若能轉物。即

未詳法嗣

乘驢度橋

未詳法嗣

同如來若被物轉。即名凡夫。祇如昇元閣作麼生轉。嚴無對。

未詳
法嗣

頂三
教

東山雲頂禪師。道學有聞。叢林稱為頂三教。一日九龍觀道士。拜三士人。請上堂。儒門畫八卦。造契書。不救六道輪迴。道門朝九皇。鍊真氣。不達三祇劫數。我釋迦世尊。洞三祇劫數。救六道輪迴。以大願攝人天。如風輪持日月。以大智破生死。若劫火焚秋毫。入得我門者。自然轉變天地。幽察鬼神。使須彌鐵圍。大地大海。入一毛孔中。一切衆生。不覺不知。我說此法門。如虛空俱含萬象。一為無量無量。為一。若人得一。即萬事畢。珍重。

未詳
法嗣

雲幽重憚禪師。上堂。雲幽一隻箭。虛空無背面。射去徧十方。要且無人見。時有僧問。如何是和尚一隻箭。師曰。盡大地人無觸體。

未詳
法嗣

樓子和尚。頌。一日偶經遊街市間。於酒樓下整襪帶次。聞樓上唱曲云。你既無心我也休。忽然大悟。因號樓子焉。

未詳
法嗣

天竺證悟法師。嘗患本宗學者。囿於名相。膠於筆錄。至以天台之傳。為文字之學。南宗鄙之。乃

東坡宿東林偈

門外

未詳法嗣

未詳法嗣

謁護國此菴元禪師夜語次師舉東坡宿東林
 偈且曰也不易到此田地庵曰尚未見路徑何
 言到耶曰祇如他道溪聲便是廣長舌山色豈
 非清淨身若不到此田地如何有這箇消息庵
 曰是門外漢耳曰和尚不吝可為說破菴曰却
 祇從這裏猛着精彩覷捕着若覷捕得他破則
 亦知本命元辰落着處師通夕不寐及曉鍾鳴
 去其秘畜以前偈別曰東坡居士太饒舌聲色
 關中欲透身溪若是聲山是色無山無水好愁
 人持以告此庵菴曰向汝道是門外漢師禮謝
 未幾有化馬祖殿瓦者求語發揚師書曰寄語
 江西老古錐從教日炎與風吹兒孫不是無料
 理要見冰消瓦解時此庵見之笑曰須是這箇
 黎始得

本嵩律師因無為居士楊傑請問宣律師所講
 毗尼性體師以偈荅曰情智何嘗異犬吠蛇自
 行終南的的意日午打三更

昔有老宿○一夏不為師僧說話有僧歎曰我
 祇恁麼空過一夏不敢望和尚說佛法得聞正
 因兩字也得老宿聞乃曰闍黎莫誓速若論正

未詳
法嗣

因一字也無道了叩齒云適來無端不合與麼
 道隣壁有一老宿聞曰好一金羹被一顆鼠糞
 汙却雪竇代云誰家昔有一僧在經堂內不
 看經每日打坐歲主曰何不看經僧曰某甲不
 識字主曰何不問人僧近前叉手鞠躬曰這箇
 是甚麼字主無對大通本代云
 昔二庵主住庵旬日不相見忽相會上庵主
 問下庵主多時不相見向甚麼處去下庵主曰
 在菴中造箇無縫塔上菴主曰某甲也要造一
 箇就兄借取塔樣子下菴主曰何不早說恰被
 人借去了也

未詳
法嗣

聞鴛
聲

未詳
法嗣

昔有老宿云這一片田地分付來多時也我立
 地待汝構去山僧如今坐地待汝構去
 有僧因看法華經至諸法從本來常自
 寂滅相忽疑不決行住坐卧每自體究都無所
 得忽春月聞鴛聲頓然開悟續前偈曰諸法
 從本來常自寂滅相春至百花开黃鸝啼柳上
 ○有僧與童子經了令持經着函內童子曰
 某甲念底着向那裏法燈代云汝
 昔有官人作無鬼論中夜揮毫次忽見一鬼出

未詳
法嗣

云。汝道無我。擲五祖演云。老僧當時若見。但以手作鵝鳩背。向伊道。谷呱呱。昔有婆子。頌供養一菴主。經二十年。常令一二八女子。送飯給侍。一日令女子抱定曰。正恁麼時如何。主曰。枯木倚寒巖。三冬無煖氣。女子舉似婆婆曰。我二十年。祇供養得箇俗漢。遂遣出。燒却庵。

未詳
法嗣

陳道婆。嘗徧扣諸方名宿。後於長老山淨和尚語下發明。有偈曰。高坡平頂上。盡是採樵翁。人盡懷刀斧。意不見山花映水紅。

未詳
法嗣

昔有婦人入院。行衆僧隨年錢。僧曰。聖僧前着。一分婦人曰。聖僧年多少。僧無對。法眼代云。心期滿處則知。

會元六卷終

禪宗正脉卷第三

音釋

| | | | | | | | | | |
|---|----------|---|---|---|------|---|-----|---|-----|
| 畱 | 芒逼切廣韻道滿也 | 顛 | 以 | 聶 | 嚕 | 鑷 | 如 | 鈿 | 突音也 |
| 荐 | 薦音再也 | 橙 | 棖 | 躡 | 捷 | 較 | 大畧也 | 著 | 明貌 |
| 勔 | 免 | 贖 | 蜺 | 瞥 | 篇入聲也 | 鑷 | 居 | 縛 | 統 |
| 滌 | 森去聲 | 屹 | 魚 | 欽 | 此遙 | 石 | 曠 | 燭 | 畬 |
| 種 | 奴力 | 僖 | 希 | 締 | 弟 | 傲 | 景音 | 蛻 | 稅音 |
| 田 | 猴屬 | 屬 | 僖 | 締 | 弟 | 傲 | 戒也 | 蛻 | 解也 |
| | | | | | | | | | |

又福宗正殿三

書房


三

薰入聲 管姦音 暉混又古困切視也 斲斲音 黯乙 暉
暴起也 粉委斯言西

開元寺藏經堂住持真威助化

古田縣信士林國模同男林撰林拱林抗喜捨

白金伍兩正



氏命多...



